

[Home](#) / Kumpulan dari Program Seni Halus, Kolej Pengajian Seni Kreatif, Uitm Cawangan Perak dinobatkan juara Pertandingan Creative & Innovative Recycle Idea Competition 2023.

SINERGI

19/10/2023 / mohd nafis saad



KUALA KANGSAR, 14 Oktober 2023 – Sekumpulan pasukan dari Program Seni Halus, Kolej Pengajian Seni Kreatif (KPSK), Universiti Teknologi MARA (UiTM) Cawangan Perak telah berjaya menjuarai pertandingan Creative & Innovative Recycle Idea Competition 2023 (PCIRI'23) yang telah diadakan pada 14 Oktober 2023, bertempat di Dewan Jubli Perak, Kuala Kangsar, Perak.

"PERAK CREATIVE & INNOVATIVE RECYCLE IDEA '23" merupakan satu platform kepada Program Seni Visual Kreatif dengan Kerjasama Unit Penyelidikan dan Inovasi Kolej Komuniti Chenderoh dalam menentang inovasi serta rekacipta produk kreatif dengan menggunakan bahan kitar semula bagi memupuk kesedaran dan keperihatinan terhadap alam sekitar.





Pertandingan yang bertemakan identiti negeri Perak, telah mengangkat kumpulan UiTM Cawangan Perak yang terdiri daripada pensyarah Encik Mohd Nafis bin Saad bersama pelajarinya Arif Asyraf bin Badruzzaman, Nur Ainina binti Mohd Azmi dan Nurul Izzaty Nasuha binti Zulkifli sebagai juara kategori Super Senior (IPTA/IPTS). Sebanyak 25 kumpulan yang terdiri daripada Kolej – kolej Komuniti, Politeknik, Institut Latihan Kemahiran Awam (ILKA), Universiti Awam dan Institut Pendidikan Guru (IPG) dari serata negeri Perak telah menyertai dalam pertandingan kategori ini.

Kumpulan UiTM telah menghasilkan produk inovasi dinamakan CREAT yang mengetengahkan kesenian dan pelancongan. 2 produk yang terhasil adalah karya seni dan pelapik alas pinggan & cawan dengan mengolah bahan kitar semula plastik. Produk inovasi ini telah berjaya menarik dan menambat hati juri pertandingan serta pengunjung yang hadir.





Majlis Pengumuman Keputusan Pemenang Pertandingan PCIRI'23 telah disempurnakan oleh YBrs. Ts. Zainab binti Othman, Pengarah Kanan (Kompetensi), Jabatan Pendidikan Politeknik dan Kolej Komuniti (JPPKK) dengan menyampaikan hadiah johan kategori Super Senior berupa sijil dan plak johan, medal emas serta sijil penyertaan.

Semoga dengan kejayaan ini dapat memberikan motivasi dan inspirasi kepada pelajar – pelajar terutamanya pelajar dari Program Seni Halus, Kolej Pengajian Seni Kreatif untuk lebih bersemangat untuk bersaing, menonjolkan potensi diri melalui bakat kreativiti dalam pertandingan seumpama ini.



Penulis:

Mohd Nafis Saad, Pensyarah Program Seni Halus, Kolej Pengajian Seni Kreatif, UiTM Cawangan Perak.
mohdn4491@uitm.edu.my

[f Share](#) [X Post](#) [in Share](#)

Tags: INOVASI, kitar semula, plastik, Seni, Seni Kreatif

< Majlis Memorandum Persefahaman (MoU) telah dimeterai antara UiTM dan Universitas Islam Negeri (Uin) Mahmud Yunus Batusangkar, Indonesia dan Institut Agama Islam Negeri (Iain) Kudus, Indonesia.

UiTM Memperkasa Usaha Meningkatkan Kebolehpasaran Graduan Melalui Penganjuran CalREx >

QUICK LINKS

Ministry of Higher Education
Academic Calendar
Intake Calendar
Graduate Quick Search
Library
UiTM Holdings
WiFi UiTM
E-Complaint

HUBUNGI KAMI

Universiti Teknologi MARA (UiTM)
40450 Shah Alam, Selangor Darul Ehsan
Malaysia

Tel: +603-5544 2051 / 2000

